



**22646**

Mag. St. Dr.

P



Benefice






22646

*Hist. pot. 9457*











180

no. 102

228

$\frac{1}{9}$  99

1899. iv. 147

Hist. pol. 957



Sample

b. 3  
E  
Exvii

R

C



6.34 276. *Sy J. X. T. T. T.*  
**B E N E F I C E N T I A**

*Ex VII 1/433*

Optimis in Patriam meritis,

Refertissimisque in Ordinem Seraphici Patris FRANCISCI  
muneribus

**C O N S P I C U A**

**I L L U S T R I S S I M I**

**D O M I N I D O M I N I**

**J O A N N I S**

**J U D Y C K I**

CASTELLANI Minscensis &c? &c?


*Fundatoris in Ordine FF: Minorum Observantium  
amplissimi, Sustentatoris Capituli ejusdem Or-  
dinis Gratosissimi.*

Orationis officio, una cum Thesibus Theologicis Sibi  
dicatis

**E X C E P T A**

*Ab addictissimo Suo Nomini Capitulo Provinciae Litvane  
S. CASIMIRI Ordinis FF: Minorum  
Observantium*

Annò Domini MDCCLX Mense Januario.



*Typis Ducalibus Collegii Nesvisiensis  
Societatis JESU*





22646

BIBLIOTHECA  
UNIV. IAGELL.  
CRACOVENSIS





# DEDICATIO

**G**ratitudinis officium, quod vi sustentati de TUO præ-  
sentis Capituli, Thesiumq; Theologicarum à no-  
stræ Scholæ alumnis TUO patrocínio dedicatarum, alio-  
rumq; cumulatorum in nos meritorum, TIBI ILLU-  
STRISSE DOMINE Fundator Gratosissime, debetur:  
si ad hocce incultum, rude, limæq; egens, ad quantam-  
cunq; tamen Nominis TUI commendationem relinquen-  
dam susceptum, attenderis opus, nunquam non modo re-  
ferendâ, sed ne cogitandâ quidem gratiâ TUA beneficia  
consequi præsumitur; cum nec deliberandi locus, nec  
cogitata fere ut fortuna tulit, in chartam coniecta, expen-  
dendi tempus superfuerit ullum, ut quantum amplissima  
TUA Senatoria dignitas exposcit, ornata in oculis TU-  
IS videantur: si verò ad voluntatis nostræ rectam, sin-  
ceramq; propensionem animadvertas: si quid votorum, si  
Az quid



quid beatitudinis, si quid felicitatis alicubi repertum sit;  
in TUAM magis ac magis conflui fortunam precatur.  
Alterum ex his veritati passim detrahit laudis, alte-  
rum quidquid facultatis in animis situm est, iisdem  
cupiat suppleri. Utrumq; tamen de TUA innata erga  
nos benevolentia animam sumentes, ausi sumus TIBI sa-  
crum facere: primum, ut studii nostri, voluntatisq; er-  
ga Te propensæ firmiorem testem, ac obsidem habeas: al-  
terum, ut animas, ac omnia nostra TIBI obstricta jure  
effusæ in nos beneficentiæ intelligas. Quod si hoc debi-  
tum officii, ac pietatis in Te nostræ argumentum, obser-  
vantiaq; pignus æqui, boniq; cōsultum à Te videbitur;  
ut pollicemur nobis nunquam TUA eripi gratiā, ita ni-  
hil magis desideramus, quā ut ad amplissimas quasq;  
Reipublicæ dignitates longissimas saluus, & incolu-  
mis emetiariis atates.

Ita precatur

Nomini & Honori TUO perenniter addicta

Provincia Litvana S: CASIMIRI

Ord: Min: Reg. Observ:





## O R A T I O

§ **I** N hoc celeberrimo lectissimorum Patrum confluxu-  
§ atq; totius Provinciae Observantis Litvanæ Capi-  
§ tulari congressu, ad quam sustentandam Te *IL-*  
§ *LUSTRISSIME DOMINE* non propriæ laudis  
stimulus, aut alicujus lucri cupiditas, cum id bene-  
ficii munus inopibus, egenisq; ac omni, quod desiderari  
possit temporali bono destitutis Religiosis collatum sit, sed  
singulare pietatis studium, ac incredibilis erga Ordinem no-  
strum benevolentia commovit, si quis fortè reperiatur,  
cui mirum admodum videatur, quòd nos non levia toti-  
us Provinciae negotia, gravesq; curas cum Scholasticis  
Thesibus Nomini Tuo *ILLUSTRISSIME DOMINE*  
subscriptis intercipere, tum oratione Nomen tuum quantum  
spectata voluntatis nostræ propensio fert, celebrare aggressi  
sumus, is, si ad consilii nostri rationem animadvertat,  
causasq;, quibus nos ad audendum plurimum incitati-  
sumus, perspectas habeat, non modò nos in id officii ge-  
nus descendisse æquè judicabit, verum etiam ipse, quod  
omnium nostrum ore, lingvis ac gestibus prædicatum sit,  
celebrabit. Cum enim nullos, aut certè paucos quavis  
rerum tempestate hominès reperies, quos sibi illu-  
strium virorum pietas, clementia, rebusq; egenis suc-  
currens liberalitas non naçta sit laudatores, tum certè nul-  
la laudum ejusmodi causa justior excogitari, aut cam-  
pus loquendi excurrere amplior potest unquam, quàm,  
si cumulado, atq; ad summum apicem perducto, Fundato-  
rum tuorum beneficio gratitudo animi, omnes labores, co-  
natus, & studia conferantur. Hoc quippe pacto facilè  
occurritur, ne & homines belluis inferiores videantur, quòd



læ quantum per jus naturæ licuerit, hero curam sui gravi jugo pergunt compensare, & ipsa liberalitatis virtus, quæ sine accessione vicissitudinis obsequiorum gemmæ instar non circumpositò aurò, sed obicurò delitescentis locò sic posita est, ut nequæ reliqui omnes ad illam colendam debitò sibi ministerio invitentur, neq; ii, quos jam eadem animi benevolentia in certo collocavit gradu, novum ad eam amplificandam fumant affectum. Tolle gratitudinem à benefactis, quid nisi sol sua, quam effudit luce, mare fluminum, quibus se exoneravit, ingressu, arbor, quos pròduxerat fructibus spoliata relinquentur? denega beneficio debitam animi gratitudinem, pretium quidem ejus haud minues, grande tamen & monstrosum naturæ rationali piaculum inuras, necesse est in eo, quem multi tituli obsequiosum reddere debuerant, ut pæne hominem extingvat, rationisq; expertem, ac recta voluntatis operatione mancum efficiat: at si beneficium sequatur officiorum vicissitudo, quanta hinc Illustrissimorum Virorum clementia, quanta animi teneritudo, quam deniq; pulchra opum interegenos collocatio oriatur oportet, nemo est, qui non videat.

Hoc cum de cæteris, quos eadem animi pietas, atq; clementia commendatos esse voluit, certum esse videatur, tum de Te omnibus virtutibus, ac meritis consummato *ILLUSTRISIME DOMINE* exploratum, indubitatumq; necesse est, habeamus. Si etenim mentis nostræ oculos, animumque in Tua præclara naturæ intenderimus decora, nihil est, quod beneficentiam, cæterasq; eximias non redoleat virtutes; eas nempe, quæ flammæ instar compressæ sinu contineri haud patiantur, ni in commodum erumpant aliorum, ob quas Tu *ILLUSTRISIME DOMINE* cum non minùs spectabilis, quàm reverenter amabilis apud homines existas, dignus factus es, qui omnium voce, & genio beneficentiæ, & indolis magnitudine par orbitæ solis proclameris, quòd perinde ac ipsa, totus in communem multotum effundaris utilitatem. Norunt quippe probè ingenii Tui vim atq; robur ii, quos ad Te confuientes perpetuis colis officiis, & consiliis erudis sapientissimis; norunt humanissimam morum, voluntatisq; svavitatem



tatem ii, quibus pluribus in subselliis Vir præstantissimus, meritis in Patriam maximus præsidio fuisti: norunt insignem in Superos pietatem, & munificam liberalitatem ii, quibus ædes sacras Divorumq; aras pretiosè cumulatas in patrimonium reliquisti. Novimus & nos Fundationis titulò, & sustentationis moderni Capituli obligatione dupliciter Tui, quanta benignitate, ac benevolentia animi nos prosequeris, quàm ardenti studiò Religionem nostram adamaveris, eamq; optimis de Tuo munere ac opibus cumulaveris. Hac de re nemini eorum, qui hic frequentes adstant, si ad suum quisq; referet animum, quantam oporteat Fundatoribus hõnorem, reverentiamq; exhibere, mirum videatur, nostras Panegyricas acclamationes gratitudinis ergò exponi. Cùm è contrario, quæ tandem nostra presertim culpa non esset: si, quòd omnium hominum consiliò, ac ratione conclusum esse non ambigimus, ut suis Fundatoribus, ac Benefactoribus eximus ab iis, quos suis cumularunt donis honores deferatur, omnem tan en voluntatis, officiiq; nostri significationem silentiò præterire, atq; istud obsequium detrectare videremur? quod non criment: si illos, quos in hoc Capitulo uterrimos per omnia percipimus favores, manifestis negligeremus indicis demonstrare? quæ non injuria: si, quæ Senatoribus, quæ Magistratibus, quæ aliis quicquò modò de Patria bene meritis Civibus deferri debeat prædicatio, hanc eandem Fundatori Amplissimo negaremus? Absit hæc turpis socordia à nobis, absit! neq; ferre nostrum id quisquam potest, simul atq; in mentem venerit, quòd nunquam non obsequiosa suis Fundatoribus ac Benefactoribus extiterit Minorum Observantia. Accedit, quòd cum de **Te ILLUSTRISSE DOMINE** in præsentiarum nobis sermo instituendus sit, multa celeberrimarum Tuarum virtutum ac meritorum ante oculos nostros obversari videmus, quæ in infinitum perductæ Orationi copiam dicendi suppeditarent, solam tamen & unicam tenerim animi Tui benevolentiam cominus permittes intueri, quæ cum nobis beneficus, tum Patriæ optimè meritis existas: duo pariter erunt Orationis momenta. Alterum beneficentiæ Tuæ in Patriam genus: Alterum in Ordinem no-



strum. Illud excellentiæ Tuæ decus, hoc gratitudinis nostræ officium, sin minus utrumq; pensulatè atq; ornate attingemus, nostræ imputa uoiq; paupertati. Aderis, quòd enixè precamur eadem benevolentia, favebisq;.

Multæ eaq; eximiae virtutes, etsi cuius hominum nobilitatis origine, probitatis fama notabili inesse debent, propterea quòd rationabilis mortalium generis virtus sit vita ac officium, in iis tamen, qui principem dignitatis locum tenent, quosq; per omnia commendatos, atq; laudatos esse convenit, tantò majores ac majores relucere fas est, quanto ipsi cæteris præstantiores esse videantur. Nam cum spectabilium honorum majestas, populorum admiratio, deliciarum illecebræ, rerum omnium copia, Virorum in summo dignitatis apice constitutorum mentem plerumq; pervertere solent, tum, ut declinare tam graves scopulos valeant, nomenq; virtuosum pariter, ac magnanimi viri verè retineant, animus de se modestè sentiens, continentia singularis, comis humanitas, rebus in agendis prudentia, in adversis fortitudo, in affluentibus temperantia, in omnibus æquitas judicii, quæ semper dignitatis comes est, intacta denum morum integritas, requiruntur. Ea quippe virtutibus ac carbonibus sese mutuo foventibus, ut ignem conservent, inest societas, ut una absq; altera illarum, nequè homines cohonestare, neq; vocabulum sui tribuere queat, nisi omnes simul, aut certè quàm plurimæ arctissimo jungantur fœdere; ut si prudentiam à fortitudine separe, autè contra, necesse est fortitudinem simul & prudentiam extinctas fore, si verò unam alteri superponas, ut in suo utraq; permaneat gradu, vicissim sibi subsidio ac adjumento est. At quid est inter præstantissimas animi dotes tam rarum, tamq; sublime, quòd in Te *ILLUSTRISIME DOMINE* seu ad commendandam naturæ indolem, seu ad rectè instituendam ex præscripto virtutum vitam, dignitatisq; Tuæ moderationem desiderari possit? cujus amplissimæ dotes, atq; ad quodvis dignitatum genus per quàm idoneæ, si nobis vel memorando percensendæ forent, fieret profectò, ut nostra Oratio metam pertingeret nunquam; longamq; earum seriem texere, idem est, ac florum, herbarumq; terræ folia, expansi calisidera



dera in paginam deducere. Educenda tamen est dictio in pulverem, atq; in aciem, ipsum incredibile Tui studium, ac reverentia dignitatis vocem evocat, jubetq; munificentissimo Fundatori grati animi atq; studiosissimæ, voluntatis quantamcunq; proferre significationem. Et quemadmodum ii, qui albo Argonautarum nomen dedere perquam ingeniosè facere solent; ut, dum subductis in altum Oceani navibus vastissima undequaq; aquarum itinera arceri littoribus conspiciunt, nullumq; iis fremen- tium riparum seu ad humidum Austrum, seu ad frigi- dum Boream, seu ad Orientem, Occidentemve oculos convertant, terminum figunt, quaq; se via ad portum recipiant, ad quod sidus, stellarumq; ad cujus figuræ col- lectam constellationem clavum dirigant, dubii hærent, u- nius duntaxat acûs nauticæ magneticum sedulo inspeci- ant indicem, ex cujus immota versus Septentrionem acie, in maris viarum, regionum, Provinciarum, Urbium, sat bellè deveniunt positionem: ita nobis quoq; in præsen- tiarum fiet, qui dam omnes, aut permultas virtutes Tu- as *ILLUSTRISSE DOMINE* Oratione ista com- prehendere nos non posse exploratum habeamus, satis e- nim cuiq; constat, nostras pertenuēs, & infirmas esse o- pes, præstantissimas autem Tuas dexteritates cum orna- tu nullo egere, tum nullis quantumvis splendidissimè ingenii, ac eloquentiæ finibûs contineri posse, unicam ta- men ex iis dignitate principem, quæ ( ut ait Tullius ) *una non solum maxima, sed etiam Mater virtutum omni- um reliquarum est, ( a )* attingere contendemus. Id si consequutum à nobis fuerit, non difficulter concludent alii, reliquas, omnes hanc sequendo in Te commigrasse. Excipies verò hoc quantumcunq; obsequium nostrum, & siquid in Oratione nostra vacillabit, volumus intelligi offi- cii exhibendi, non ingenii venditandi partes esse susce- ptas.

Si beneficentia exquisitis gravissimorum virorum effa- tis non tam elargitione munerum, quàm, quod ipsius character est, recta voluntatis propensione, aut quorum- cunq; bonorum, seu animi, seu fortunæ effu- sione

C

( a ) Cic. Orat. pro Plancio



sione effingitur, duō erunt, quantum nos existimare possumus, quibus eadem in illustribus viris erga Patriam commendatur munera: obsequiis nempe illam juvare, quod & pietatis genus est, recteq; de eadem sentire, quod boni Civis officium est. His & si nihil jam superest, quibus mediis in eam pergendum est, quodq; virō generosō dignus videatur; si tamen is, quem ita deditum Patriae suspicius generis quoq; amplitudine reluceat, tantō Reipublicae uberius emolumentum, copiosiorq; laetitia oriatur necesse est, quantō ab hominibus altiori loco natis sibi obsequitur. Quare ut nos ab omnium postremo, in quo cetera renitent, ordiamur; Quae res in unaquq; stirpe laudis, quae dexteritatis, quae meriti, quae honoris afferre potest, id totum *ILLUSTRISIME DOMINE* gens Tua compluribus aliis in Litvania non inferior his dachūs antiquitate, & amplitudine perquam optimē complexa est.

De antiquitate ut nos aliquid innuamus, non audemus eam in spem venire, ut Illustrissimae Domus Tuae cunas Cratione ista tota perustrare, nascentisq; Familiae fontes, ē quibus non minus fecundissimus, quā altissimus in universum Latvaniae pervasit orbem sanguis, retegere possimus, cum longē retroacta saecula ultrā & ultrā percursa atq; pervoluta *Judycciorum* vestigiis semper, & semper insigniri, nullamq; ē Poloniarum Regibus throni, sceptriq; molem, quam *JUDYCCIORUM* non adjuvaret dexteritas, sustineret rerum Polonicarum scriptoribus persusum sit: si tamen vetustissimis Historicorum monumentis fides habeatur, prout & nos sponte ad stipulamur; ea sunt *JUDYCCIORUM* exordia, quae centenis atq; centenis ab hinc annis sub *Boleslao II* ( *b* ) seu ( ut ali volant ) sub *Boleslao I* Sarmatici diadematis, ac sceptri auctore ( *c* ) sic jam explicata fore leguntur, ut jam tum nobilissimi Radvani Heroes una manu limites Patriae strenuē dilataffe, alterā radices gloriae Aviti decoris ad non desituram saeculorum memoriam altē fixisse perhibentur. Verum hi de antiquitate paralogismi integram

( *b* ) *Niesiecki Tom. 3. pag. 100.*

( *c* ) *Paneg. Vexilli Radu. gloria. Item Paprocki*



quamvis postulant fidem, si tamen ad ea, quæ antiquitatis verè commendant nomen referenda sint, minores sunt, quos in medium attulimus, majoribus comprobatur Illustrissimæ JUDYCCIORUM Domus indicîis antiquitas. Quid enim juvat famam vetustate nominis factam buccinante ore per tenuem hominum volare auram, nobilitatis cunas ad Illustrissimos Majores, Principumq; sanguinem referre; si hæc subinde enormis infidelitatis in Patriam error, jurisjurandi vel maxime libera in gente transgressio, execrabile seditionis crimen, elusit, defædavit, fastidivit. Est profectò non nemo, qui à priscis Urbium, Regnorum, Provinciarum vocabulis sibi nomen imposuit, sed quòd ea extinxit, non fundavit; est, qui quòd evertisset Graciam sit ex eo appellatus Achaicus; est, qui devictâ Macedoniâ magnam cladem genti Macedonum cum intulisset, dictus est Macedonicus; est, qui à Senatu populoq; Romano, quòd partem Orbis tertiam vastasset bellò, ac perdidisset, vocatus sit Asiaticus; est, qui eversâ ferrò armisq; Numidiâ, sit nuncupatus Numidicus. Nam quid sexcentos appellem alios, aliis antiquitatis nominatos vocabulis, quia Urbibus excisionem, agris inflammationem, Provinciis eversionem, populis desolationem, publicis ac sacris locis populationem intulissent; non in venia danda, aut in gratia miserorum & innocentium incunda probatum ac liberalem animum demonstrassent. His quid gloriæ? quid encomii? quid bonitatis antiquitas Nominis contulit? conclamante nimirum sacro Doctore D. Hieronymo: *non diu, sed bene vixisse laudabile est.* Scopus igitur laudis, est antiquitas nominis juncta fidelitati, ac amor Patriæ; his demptis, quid nisi vanum, et inane vetustatis relinquetur nomen, quodq; feritatis potius ac in juria, quàm probitatis, ac fortitudinis monumenta commendant. Quod in præstantissimam Domum Tuam *ILLUSTRISSE DOMINE*, quæ fide in Patriam nullis interpuncta tempestatibus usq; huc existit celeberrima, minimè cadere potest, cujus antiquitatem si spectemus, illi ambitiosorum nominum vetustati quàm dissimilis est? Quid enim aliud nisi meram sine, cujusquam damno præsefert benefaciendi voluntatem?

Cz.

ut,



ut, si eos, quibus plus amoris sunt res Patriæ quàm vita propria, quæras? IUDYCCII sunt: si eos, quos boni publici zelus absq; ullo personarum respectu in Comitibus, consutationibus, conventibus in trepidos facit? JULYCCII sunt, si eos, quos rebus in adversis infracti animi rebus constantes commendat? JUDYCCII sunt: si deniq; eos, quos omnia sua salutem Civium contulisse, nulles verò debitos suis meritis honores ambiisse excellentia animi deprædicat, *Iudyccii* sunt? Atq; adeò *Iudyccios* rebus Patriæ addictissimos fore, ut penè totius Reipublicæ decus, atq; ornamentum ad eos confluerit; nec quemquam eorum publici commemorant fati; quem fidelitas in Patriam cum vetustate Nominis non commendaret. Sed quid ego rei toti Poloniarum Regno notissimæ impensius incurbo? præstat Viros clarissimos mirari, quàm stirpis antiquissimæ cunarum meminisse: cum laudes ejusmodi præter quàm quòd à Viris omnibus atq; tribus inchois prædicentur; ab innumeris puerq; cum Oratoribus, tum Poetis celebratæ atq; decantatæ sunt; & tantorum Heròum præconia ne senescerent, tot münimenta librorum ea ab oblivione & silentio vindicarunt: imò etsi literæ non existerent, spectabilis tamen corporis Majestas, quæ omne dignitatis genus vi quadam naturæ præstolari videtur, frontis ferenitas, vultus gratia, incessus gravis, animi etiam robur, vividaq; rebus in agendis capacitas, quæ in unoquoq; Vestrum *ILLUSTRISSE DOMINE* mirà varietatis elegantia refulgent, ab antiquitate repeterentur; hæ quipq; dotes animi, quæ raro homines inter peragant passu, speciali quadam Numinis dispensatione, ingenti verò totius regni admiratione jure successionis à Majoribus vestris in posteros derivari vix non creduntur, quòd videlicet unius, aut alterius Vestrum diversa corporis stante imagine, virtute domestica efficiunt omnes perquam similes. Et hic est antiquitatis Vestræ decor.

At quæ deinde amplitudo? ea profectò cum qua pleraq; aliæ collatæ nec numerositate posterorum, nec dignitate originis audeant comparari, aut in contentione veniunt: prætereaq; naturam ipsam excedere videtur  
atru



atur? Ampla sunt quidem flumina, sed quæ ab exili latice originem trahunt, postquam in ingentem excreverint molem; expansæ sunt in tenuem auram arbores, sed quæ à minutissimo, seminis grano vitâ donantur, postquam suum corticem, suas medullas, suas fibras, suas traheas, suos ramos, suas frondes, sua folia, suos fructus latissimè explicent: extensus est ignis, sed qui scintillam habuit matrem, postquam in faces, in flammæ, diffunderetur: fastigia cæli videntur tangere montes, sed qui ex atomis tumuere, postquam ipsis licuit in altum exurgere: nobilissimæ verò stirpis Tuæ *ILLUSTRIS-SIME DOMINE* in Regno Poloniarum amplitudo majori naturæ paradoxo, & in magnam extenditur Familiam, & à maximis Majoribus sumit exordia, quæ unus regni angustos haud sufferens limites, cæteras tantò gloriosius involat oras, quantò plures in radicaanda stirpe alieno in solo labores sunt exantlandi. Illi enim, antiquis Domûs hujus faciem præbentibus monumentis *JUDYCCIOS* accepimus, qui antequam primam in regno Poloniarum fixissent plantam, clarissimæq; Domûs à regia Sarmatarum Majestate sumpsissent incrementa; Comites Amplissimi in Arce *WELLDORFF* Electoratus Trevirensis (d) nunquam non cum magna Nominis sui apud exteros Principes acceptatione exstiterunt: Læc autem ad Nominis vestri amplitudinem commendandam quid cumulativius? quàm Vos non commendatis aliunde honoribus, sicut pleriq; aliis contingit Familiis, verum cum flore domesticæ dignitatis Poloniam ascendisse. In inaudit fortè jam tum Famam Illustrissimæ Domûs Vestræ Hungaria, percepit cognata polonis Bohemia, aliæq; bellicosissimæ regiones non sine ingenti percrebescentem ubiq; auscultabant admiratione gloriam: ac in quasnam partes Illustrissimum se se recipiat genus considerantes, pro suo quaq; eorum in Vos ardore, si nobiscum inclytæ hæ Provinciæ loqui possent, hæc jam opinor vel non multum dissimilia verba fecisse existimantur? O me satis felicem tempora fecissent, exclamavit una

(d) *Niesiecki Tom: 2: pag: 447 Item Monumenta Domûs JUDYCCIORUM antiquæ*



na, si illis, quos Heroica per omnia commendant fœta  
JUDYCCIOS eloquor, potiri liceret! O me plus æquò,  
fortunatam sors extulisset, agebat altera, si tam nobilia mem-  
bra meo corpori inseri hæc præsertim vacua Hero bûs  
permisisset ætas! O ego cælum digitò contingerem, inge-  
muit illa, si meos inter Cives optimam illam boni pu-  
blici partem numerari conspicerem! resq; armis diden-  
da foret, nî JUDYCCII Poloniam præceteris adamassent,  
ejusq; expostulantibus votis præ aliis annuissent O te  
sat fortunatam Poloniam! hac inclyta Familia tuis desi-  
deriis favente jacturam tot bellis optimorum Civium jam  
jam compensasse, Nomenq; Tuum plurimis gentibus com-  
mendasse conspicies. Perge igitur, perge secundopa u  
ipsis in cunis, si tamen cunæ dici possint, quibus Viri  
clauduntur bellatores adulta honoribûs JUDYCCIORUM  
propago! eiq; regno pedem inf'r, ubi Te v-luti suis  
sedibûs moti Palatinatus, Districtus, in omnem attenti  
partem circumspectant! ut quò Te cunq; verteris in si-  
um gremium recipiant, perge, Teq; in limites, in sinum  
devotissimi Tibi Regni quàm primùm recipe: ubi ipse  
Rex, regniq; Proceres Te adventantem considerant, ut  
Te non ignotam multis regnis Familiam honoribûs cu-  
mulent! perge, ac vastam ubiq; coloniam, concives flo-  
rentissimos, nobilium Virorum coronam, oculis circum-  
spice, ubi Tuis posteris immensus dignitatum aperitur  
campus! Illic, illic Senatorum Curules, Mareschalcal's  
Scipiones, illic Judicum subseſſia, Magistratum orche-  
stræ, illic militum legiones summò Tui Nominis præ-  
ficiendi unumquodq; eorum flagrat desiderio. Nec vanus  
opinor, futurorum augur tanta lætitia illis antiquis Ci-  
vibus inesse debuit, nostra præsertim declaravit ætas, quæ  
JUDYCCIOS Regi fideles, Patriæ proficuos, populo ac-  
ceptos probavit; probatis Magistratus, dignitates, honores  
detulit; delatos cum eximia Nominis eorum commen-  
datione gestos vidit, ac gavisa est. Quemadmodum ta-  
men inter præclara caelestium orbium sidera non de-  
sunt pleraq;, quæ multò copiosiore ante alia refulgent  
lumine, sic & inter Tuos *ILLUSTRISIME DOMINE*  
Majores haud nobis pauci occurrunt Viri, quorum ut  
vir-



tus longè majore inter reliquos eluxit splendore, ita eos  
& præsentes dignitates ornârunt amplissimæ, et suis hono-  
ribûs defunctorum gloria ad posteros manat, manabitq;  
perennior. Præclaros itaq; rebûs bellicis Viros in Tua  
gente desideras? habes BASILIUM JUDYCKI: verè Li-  
tvaniæ Herculem, Tartarorum domitorem: cujus ars bel-  
lica, fortisq; animus non minùs fuit hosti ad timorem,  
quàm Civibus ad amorem. Dignus planè Vir fortissi-  
mus, qui profligatis proprio Marte ingentibûs Tartaro-  
rum copiis à SIGISMUNDO AUGUSTO Rege adstan-  
te Procerum coronâ gratias tanti laboris relatas perci-  
peret, ac *Swierżno, Zurowicze, Bołotno* in Districtu Rze-  
czycensi in præmium meritotum vulnerum cicatricibûs  
in hæreditatem commutaret. In arte militari peritissi-  
mes spectare vis? specta ALEXANDRUM Vicarium Ju-  
dicis Rzeczyensis magnanimi Patris non degenerem  
Filium: cujus vindicem manum non minùs *ad Poloci-*  
*am* in Alba Russia, & *Plescoviam* in Livonia sensit Mo-  
schovia, quàm defendentem experta est Litvania. Hic  
eximii in Patriam meriti Vir quantâ fuerit à DEO be-  
nedictione cumulatus vel indè intelligas, quòd tredecim  
Filios Patriæ in obsequium, Domui in subsidium de *Ka-*  
*czynscia* sua consorte suscepit: HIERONYMUM Præfe-  
ctum regendorum limitum Palatinatûs Brestensis in Li-  
tvania, DEODATUM Notarium terrestrem Rzeczycen-  
sem, LEONEM Vice - Præfectum Castri Rigensis, NICO-  
LAUM Vexilliferum Rzeczycensem, CONSTANTINUM  
Dapiferum Rzeczycensem, PHILONEM Judicem in-  
tegrissimum terrestrem Rzeczycensem, JOANNEM priùs  
Pincernam, dein Notarium terrestrem Rzeczycensem,  
GEORGIUM Mareschallum Rzeczycensem, BASILIUM  
Equitem Melitensem, Commendatorem Posnaniensem, RA-  
PHAELEM, qui sæculo nuntium remittens militiæ Chri-  
sti in Religione nostra S: P: FRANCISCI Minorum  
Observantium stipendia meruit, GABRIELEM, quem in  
tenera ætate morte præventum tantò plus dolendum,  
quantò majorem ipem de se optimè merendi apud ani-  
mos omnium fuscitaverat, CHRISTOPHORUM Vica-  
rium Judicis Rzeczyensis, ADAMUM Centurionem



peditum authoramenti externi cordatissimum contra Go-  
 thos militem; quos deinde omnes in juvenili adhuc æ-  
 tate Martem spirantes Regi STEPHANO præstò faciens,  
 in perpetuum Reipublicæ vovit obsequium, atq; jureju-  
 rando devinxit. Suscepit tantum pignus anneris in Pa-  
 triam quàm gratò animò augustus Princeps difficile di-  
 ctu est! dilatabantur spacia cordis præ lætitia, mens per-  
 fundebatur gaudiò optimi Principis conspicientis coronam  
 tenellorum Fratrum, disciplinâ morum, ac pulchritudine  
 corporis optimè cultorum, vota sua & desideria Martis  
 arte aliquandò coronantium; atq; pro sua erga eos te-  
 neritudine animi, tum Patris satis emeriti labore, regâ  
 suâ munificentia tam vastum perpetuò donaverat fun-  
 dum, ut in eo Oppida *Judyce & Krzywska* ab eodem  
 ALEXANDRO condita, sat commodè ad non desituran  
 JUDYCCIORUM memoriam erigerentur. Equites ge-  
 nerosissimos exterranearum Provinciarum dignitatibus  
 conspicuos audire aves; præterquàm quòd BASILIUM  
 Equitem Melitensem Filium ALEXANDRI Commenda-  
 torem Posnaniensem egregia tantò laudabilius deprædi-  
 cant facta, quantò pro salute Patriæ, & Fidei Christia-  
 næ defensione fuerint eximiat: NICOLAO JUDYCKI  
 Equite pariter Melitensi Commendatore *Stowółwicensi*  
 (e) quid gloriosius? de quo ut verba faciamus, non  
 est quòd ab uno desideretur Oratore, quin innumeros,  
 eosq; hac in arte peritissimos lacerare, atq; à laudibus  
 hujusmodi perfectè tangendis longè abesse, quantum no-  
 bis putari liceat, necessum erit. Labores enim Viri per o-  
 mnia commendatissimi nulla difficultate superabiles si  
 spectentur, innumerabiles sunt, si facta: planè prodigi-  
 osa; nec est ( ne me mea fallat opinio ) quod ejus me-  
 ritis.

(e) NICOLAUS JUDYCKI Comes in *Misz*, E-  
 ques Melitensis, Commendator *Stowółwicensis*, Generalis  
 ( ut vocant ) Armamentarii M. D. L. Præfectus Le-  
 gionis S. R. M. Castellanus *Nowogrodensis*, Regimenta-  
 rius Exercituum in locum Ducis designatus, floruit  
 circa Annum 1652. Recuperavit à Moschis *Dziesmam &  
 Siebiez*, fundavit Collegium PP. S. I. in suo Camitatu  
*Myszensi*, quod postea *Novogrodecum* translatum est.



ritis ex æquo responderi queat, an honores illis est superior, quibus extra Patriam innumeris cumulatus, tantò honoratior, quantò Poloniam nobilitatem omnibus anteposuerit, an divitiarum has heroicus animus immortalis bellatorum gloriæ intentus superbè contempsit, atque calcavit, an Regnum aliquod hoc Vir piissimus pulchrius judicavit mereri, quam cum eade plurimorum obtinere, an Patria ipsa est re quidem est, ut eam ipsam præmiaretur, cui impendere vires non dubitavit, forti tamen ubique Patria est, quam Eques Magnificentissimus alienis in regnis cum ingenti suorum commendatione quæsit, non animo propriam deserendi, hæc enim nota à gente fidelissima longè abest, verum gloriam ejus, contribuliumque fortitudinem extra fines finitimarum Provinciarum, imò extra Europam dilatandi. Plus itaque meruit quam nobis singula præmia honorum percurrentibus effari liceat: unum (quod summa laudum ejus est) edifferere fas est, non modò omnibus his rebus dignus effectus est, verum quæcunque ei eximie à regni officiis dignitates, atque ministeria collata sunt, non tam illis ornatus, quam ad illa plurimum detulit clementi. Hic omnibus numeris absolutus Vir, cogitabat in animo quantum conducatur ad Reipublicæ utilitatem, si ad Nominis sui magnitudinem extranearum nationum adjungat peregrinationem, minime verò si eandem inter domesticos cohiberet larem, non sine magna Principum admiratione, summorum Pontificum adoravit solia, Cæsarum, Regumque conciliavit sibi Majestates, cæterasque potentissimas Europæ percursans aulas, ubique moribus conspicuus, ingenio mirabilis, omnium disciplinarum genere refertissimus, gloriam Polonorum extra Europam transmarinis, & ultra invexit regionibus. Vidit in illo Sarmaticæ nobilitatis, & JUDYCCIANI Sanguinis excelsam indolem Vienna Austriæ, admirata est illa stre armorum studium Roma, animum quoque non minus ad bella fortissimum, quam ad pietatis exercitium ferventissimum experta est MELITA. Flura dicam! illi hostes Orthodoxæ Fidei persequenti Adriaticum, Jonium, & Siculum reveritum quasi cessit mare, & Mars ipse à Tunetanis moenibus porrexisset manum videtur, quorum munitissimum

E

portum



portum exigua Melitensium classe armatus mugientium  
inter tormentorum ignitos globos ingressus, & plurimas  
naves apparatu bellico instructas igni succendit, & se-  
ptemdecim ejusdem fœnoris Myoparones frementibus in  
cassum barbaris secum *Melitam* asportavit. Illi pal-  
mam deferunt *Algerii* & *Bisertina* regna, quorum ar-  
matas pyratikas triremes Christianorum prædis, cladibusq;  
famosas incredibili fortitudine multoties expugnatas, ca-  
ptivas in triumphum duxit. Ille Urbes oppressas in cæ-  
de & sanguine natantes vindicavit, & spem Thraci, me-  
tum Candia, Italia, regnisq; adjacentibus trepidationem  
exemit. Neq; hic est exitus laborum infatigabilis NI-  
COLAI, redux enim ex diuturna alienorum regnorum  
per mare, per terras expeditione, *incidit* ( ut verbis  
utar Pœtæ ) *in Scyllas volens vitare Charybdes*, Pa-  
triam non pè Moschorum, Cosacorum, & Gothorum  
periculosissimis insultibus oppressam, petulantis populi tu-  
multibus agitatum, Urbium direptiones, Villarum nobi-  
litis populationes, infantis populi cædem continuam  
invenit. Quod quàm grande ac insolens malum, tam  
forti quoq; manu reprimi debuerat: ingemebant popu-  
li, lamentabantur nobiles, terris hostium armis perter-  
riti crebra suspiria faciebant Cives. O utinam quantocq;  
utinam Herculem Polonum NICOLAUM Equitem Me-  
luensem reduce[m] videremus! utinam fortitudinis ejus gau-  
deremus subsidio! Quem quàm primùm advēnisse in-  
tellexerunt, cœcis affluere difficile, quanto se ad Eum o-  
mnes contulerint apparatu: videres alterum gratulatio-  
nem diu expectatæ præsentia[e] exposuisse, singulibus in-  
terpuncta, statûs miseri verba fecisse alterum, illum di-  
reptionem suorum bonorum, hostium prædâ perpe[ss]am  
indoluisse, hunc, ut pestiferæ absq; mora succurrat cladi  
exorasse. Quid ad hæc Vir præstantissimus: missinê ac  
irritas contribulum fecit querelas, causamq; tam justam  
de Patria ulciscendi simulatô animô prætermisit? absit  
hæc à Viro eximio nota! his auditis expavit atq; con-  
tremuit, hæc fortè secum ajens: ergonê luem illam ad-  
ventantium hostium per multos Districtus, & Pala-  
tinatus serpentem diffundi ultrâ permittam! ergonê li-  
bertatem pulcherrimam omnibus regnis invidendam via-  
ciri.



ciri, perimi, atq; ad ultimum inimica manu jam jam deleri siccis oculis perferam! hanc dexteram, quam impavidus externarum Provinciarum sacravi tutelæ, amantissimæ subtraham Patriæ! ecquis vel scintillam JUDYCCIANI sanguinis habens hæc indomita bellorum spaciari sinet monstra? quis lacrymas orphanorum, quis subsannationem, quis injuriam omni malo pejorem, justis non ulciscetur armis? Hôc zelô succensus Eques fortissimus integram legionem externi militis de bonis propriis stipendiata, sub signa auctoratam Patriæ ad pericula propulsanda unâ secum devovit; ac ubi postulante populo, suffragante JOANNE CASIMIRO Rege, munus Castellani Novogrodensis, Præfecti ( ut vocant ) Generalis Armamentarii M: D: L: Regimentarii quoq; Exercitus M: D: L: suscepit, illico manum victoriis jam dudum terrâ, mariq; assvetam hosti admovit, bellum extinxit, Cives composuit, jurgia compescuit, tranquillitatem pacis restituit, Svecis formidolosus, Moschis, & Cosacis intolerabilis effectus. Multum ei debet Samogitia, quod eam à Svecorum oppressione liberaret, plus Alba Russia, quod illi ad Albam Dunam *Dziesnam* & *Siebiez* è Moschorum possessione crepta regno restitueret. Hæc de NICOLAO: at quid dicam de THOMA JUDYCKI Equite pariter Melitensi NICOLAI Fratrem germano rebus gestis, & virtute eidem perquam similimo; hic ardua premens vestigia Fratris, gentis suæ gloriam auxit, famam dilatavit, sæculisq; memorabilem Equitum Melitensium triadem in Domo JUDYCCIANA complevit Magnis in Patriam meritis celebratos memorare cupis; qui tam bene de ea meriti sunt, atq; LEO, ANDREAS, & ALEXANDER, quorum etsi totius vitæ ratio, obsequium Reipublicæ, meritis tamen tantò gloriosior, quantò ab hostibus Patriæ, ANIREÆ sub *Zwonic* à Tartaris, reliquis alibi prælium agentibus fuerit illata. Te verò GREGORI JUDYCKI ( f ) generosi Patris GEORGII lectissime Fili, Aulice cubicularie Regis, dein Rott Magister

( f ) GREGORIUS JUDYCKI per duodecim Annos Aulicus cubicularius Regius, deinde Rott Magister S: R: M: Mareschallus *Rzeczycensis* ad *Pultuscum* bellò occubuit Anno 1656:



ster S: R: M: Mareschalle Rzeczyensis omnibus sæcu-  
lis prædicande quid memorem? nã Te amor Patriæ vi-  
ctimam fecit, ut ejus gratiã vitam profundere, quod quã  
arduum, tam laudabile facinus est, Tibi ludus erat: præ-  
terquã enim quod sanis consultationibus, atq; dignis  
tantò Virò adhortationibus coævos Tucs ad id virtutis  
genus à tenera ætate pertrahere studeres, illud strenuè  
cum Gothorum exercitu decertando Pultuscensibus in  
campis propriò fatò ad oculum ostendisti Sacris ho-  
noribus florentissimos habere intendis? VALERIANUM  
accipe Suffraganeum Nominatum, Archi - Diaconum  
Vilnensem, Præpositum Trocensem, & Bialensem, Refe-  
rendarium, & Notarium M: D: L ( g ) pietate in sape-  
ros celeberrimum. Sanguinis communionem cum am-  
plissimis stirpibus nactos in medium proferre satagis?  
CONSTANTIUM JUDYCKI Dapiferum Rzeczyensem  
habes, qui acceptã sibi in sociam vitæ CÆCILIA JA-  
SINSKA Filia NICOLAI JASINSKI Narii M: D:  
L: Præfecti regendis limitibus Vilnensis Palatinatûs ex  
Matre MARIANNA Filia SAPIEHÆ Palatini Novo-  
grodensis nata, magnam cum SAPIEHARUM Nomi-  
ne, nec non cum GIEDROYCIORUM, MASSALSCI-  
ORUM, BIFLINSIORUM, eò quod ipsis nuptæ sunt  
Sorores suæ Consortis, iniit societatem. Deniq; quid  
memorem alium ALEXANDRUM, SAMUELEM, &  
HIERONYMUM bellò & pace acceptissimos? quid VI A-  
DISLAUM, & alium ADAMUM in Castris continuo  
Patriæ obsequentes? quid alium JOANNEM Pincernam  
Smolenscensem consiliò gravissimum? quid alterum eti-  
am ALEXANDRUM ( b ) Aulicum Regium, Tribunum  
Rzeczyensem, Præfectum Castri Jasvonenis, Rott Ma-  
gistrum & Præfectum legionis S: R: M: cujus dexteri-  
tas multum profuit ad ejicienda Gothorum Castra è Du-  
catu Samogitiæ? quid alium GEORGIUM ( i ) Præfe-  
ctum pariter Castri Jasvonenis? NICOLAUM itidem,  
& JOANNEM? quid VALERIANUM Dapiferum Rzeczy-  
ensem,

( g ) Floruit circa Annum 1671.

( b ) Hic multum detulit subsidii ad ejiciendos è  
Samogitia Sæcos Anno 1655:

( i ) Floruit circa Annum 1674:



censem, & ANDREAM Fratrem eius, quid alios sexcentos & ultra ad calamum voco, uti PHILONEM Tribunalium Bracłaviensem, & PETRUM utrosque Mareschallus Rzeczyenses, GEORGIUM Filium CHRISTOPHORI aliosque quam plurimos. STANISLAUM tandem Vexilliferum Praefectum regendis limitibus, dein Mareschallum Rzeczyensem (1) quibus efferam laudibus, cuius ingenuae dexteritati, & erga Reginam Caeli pietati Fortalitii Lachoviensis tutela iustis titulis adscribitur. Aderat enim tum effigies gratiosissimae Dominae eadem, quae nunc Bialynicis in Alba Russia visitur, cuius quaque die pronus in terra adeo exoravit clementiam, ut paucum exercitu Polono Fortalitii curam gerens piissimus Mareschallus armis an precibus hostes prostratos viderit, multosque spe expugnandi frustratos inglorios repulerit, in dubio relinquitur. Arcis vero Vlnensis quam acer existit Propugnator, vulnus sagittae Svecorum in facie perceptum satis ad concitandos nobilium animos perorat. Quid enumerem alios, quorum eximia in Patriam merita, in Superos religionem, in Cives amorem, in plebejos benevolentiam nulla non aetas vidit, coluitque. Atque adeo si virtutes, & opera immortalia recenserem, Numinum prodigia recensere, vel quod sint thau-maturga, vel quod rarissimae perfectionis excefferint gradum, gloriam, dignitatem si Senatores numerem, quis prudentior? Si Bellatores, quis gloriosior? si Cives Patriae, quis fidelior? JUDYCCII, quo non celebrati sub sole, quibus non adorati à Gentibus, quibus non inclaruerunt terris, quas non occuparunt Provincias, quas non induerunt purpuras, tot operum immortalium exantlatores, Turcicis, Scythicis, Zaporoviis, Rossiis, Asiaticis, & Africanis triumphis celebres, quorum cum singuli singulos Creatores postulent, coarctato verborum ambitu laudare satis non possumus. Uberius fortasse nitidiusque exponenda essent eorum praesertim, à quibus directo ordine

(1) Floruit Anno 1661: Arcem Lachoviensem à Moschorum, Vlnensem à Gothorum obsidione liberavit. Niesiecki Tom: 2: pag 447: Et acta Imaginis Bialynicensis sub Anno 1660:



dine redundant ad Te *ILLUSTRISIME DOMINE*, ac jure hæreditario proximè pertinent, Patrum, Majorumq; Tuorum ornamenta, videlicet ALEXANDRI JUDYCKI ( *m* ) Castellani Minscensis, JOANNIS ( *n* ) Notarii terrestris Rzeczyensis, Patris demùm optimi, Tibiq; longè carissimæ ANTONII Vexilliferi, deinde Mareschalli Rzeczyensis\* at cum nil veriùs ac ipsi Filii Parentum speciem & corpore, & animo etiam referre soleant, quid est, quòd ipsis è monumentis simulacra mortuorum ad ornandum eruiamus, si in Te *ILLUSTRISIME DOMINE* vivam ac spirantem paternæ Probitatis, avitæq;, gloriæ imaginem contuemur; si quis tamen est, qui eum, quàm præclarus fuerit, à nobis describi postulat, is regiam quamdam, peramplam, æquè ac splendidam omnium virtutum tanquàm domicilium proprium præ oculis ponat, ex eaq; Viri præstantissimi cùm ornamenta naturæ, tum commoda ex iis in bonum publicum redundantia colligat, atq; componat; unam præ cæteris non postremam laudis ejus esse materiam, quòd Legati munere pro Comitibus Convocationis ( *o* ) decoratus fuerit. Quòd quàm difficile, atq; honorificum ei negotium datum sit, ut totius Districtus vota ac desideria solus contineat, tam magna, atq; ad id muneris idonea virtute præditum fuisse nemo non concludet ANTONIUM. Hocq; jam ad maximam Nominis Tui commendationem satis opinor esset *ILLUSTRISIME DOMINE*, nisi quem hic præterire nefas esse ducimus, memoriæ nostræ identidem occurreret Veri civis MICHAEL Castellanus Minscensis Tuus *ILLUSTRISIME DOMINE*, Frater, cujus Majestuosam gravitatem, plenumq; magis consiliis Caput intuita est corona Senatûs Polonici; Comitibus quoq; generalibus ( *p* ) admirabilem eloquentiam, legumq; peritiam conspi-

( *m* ) Floruit Anno 1677.

( *n* ) Floruit Anno 1674.

( *o* ) Legatus fuit è Districtu Rzeczyensi pro Comitibus Convocationis Annò 1696.

( *p* ) Legati munere bis functus est pro Comitibus: Annò 1722. & Annò 1724. Mareschalli etiam magni Judiciorum M. D. L. munus magna cum laude obivit.



conspicientia non semel fortē admirata sunt, quis ut MICHAEL tanto rationum pondere, tantā constantiā animi, tanta oris suavitate, totiusq; corporis compositione insigni pro ea laboravit? De Judiciis verō Tribunalis M: D: L: quorum supremus existit ē numero Judicum Deputatorum Mareschallus, quid dicam? illo judicia regente, justitia summō locō habita, crimina vindicata, Villæ nobilium aliās viduatæ possessoribus suis restitutæ, litigia populi composita, ac quod suum est jure probatum, cuiq; decretum, firmatumq; est: verē ob hæc præclara justitiæ manimina Pater orphanorum, ac relictorum, nobilitatis quoq; oppressæ vindex, ac Patronus dici meruit. Tanti viri quò amplior virtus, rarioresq; memorantur dotes, eò magis dolenda est jactura, nec unius, aut alterius Palatinatūs lachrymis extinguendum esset fatorum incendium, nisi quod sufficientissimum acerbo dolori remedium est, accederent duo Filii ut gloriæ Paternæ successores, ita Nominis & virtutum hæredes Patri non indigna progenies, ANTONIUS, quem de lectissima sua Conjuge SOPHIA de UNICHOWSCIS JUDYCKA, & JOSEPHUS, quem de piissima, si autem nudā veritate dicam, communi Matre omnium Religiosorum Ordinum, pauperumq; Domina munifica secundi voti MARIANNA OGINSKA Filia Palatini Vitebscensis, suscepit, qui in quos viros evasuri, suis progressibus luculenter demonstrasse videntur: & quinq; pariter lectissimæ Filiae MARIANNA, quam Domui PUZYNDARUM avita nobilitas inseri fecit, ANNA, quam pietas in Superos intersacræ DEO Virgines de SS: Sacramento adnumeravit, BARBARA, quam Domui TYZENHAUZORUM natalium splendor invexit, ELEONORA, quam excelsa de rebus divinis studia Filiam FRANCISCI in Ordine nostro fecit, & THEOPHILA multis naturæ donis conspicua; omnes non minūs natalium splendore, quàm utriusq; Parentis virtutibus ornatissimæ. Nec tandem silentiō suppressimere audeamus MICHAELEM JUDYCKI Judicem terrestrem Rzeczycensem, qui præterquàm quòd in suo Districtu optimis meritis florebat, in quinq; Filiis THAD-DEO, JOSEPHO, JOACHIMO, MARTINO, & MAT-



THÆO toti Litvaniæ spectatissimus est; ex quibus THAD-  
 DÆO ( q ) cum magno partium litigantium emolu-  
 mento suprema M: D: L: Judicia gloriabantur. Et  
 hæc est *ILLUSTRISIME DOMINE* gentis tuæ am-  
 plitudo, quam si non ita, ut in se est, tetigimus, & in-  
 genitæ Majorum Tuorum magnitudini, & nostræ im-  
 puta brevitati. Quemadmodum enim integra nunquam  
 possunt videri astra, etiamsi vitreos multiplicet curiositas  
 oculos, & propè Argum agat exerta contèmplatio; ita de  
 Majoribus Tuis par habeatur ratio, necesse est: Illustrissi-  
 mi siquidem sunt, æquè ac numerosissimi. His, quàm  
 copiosus clarissimarum Familiarum cætus ultrò sese per  
 affinitatem adjungit, quis numerando percellere valeat  
 notissima orbi Nomina? SAPIEHARUM, CHODKIEWIC-  
 CIORUM, MASSALSCIORUM, GIEDROYCIORUM,  
 BIELINSCIORUM, JASINSCIORUM, TYSZKIEWIC-  
 IORUM, OGINSKIORUM, WOŁODKOWICCIORUM,  
 PODBERESCIORUM, KOPCIORUM, CHREPTOWIC-  
 CIORUM, RUDOMINARUM, FIRLEJORUM, FRA-  
 CKIEWICCIORUM, UNICHOWSCIORUM, PUZYNA-  
 RUM, TYZENHAUZORUM, PLATERORUM, GA-  
 LIMSCIORUM, SCYPIONUM, SULISTROWSCIORUM,  
 BRUDAWSCIORUM, KACZYNSCIORUM, RAHO-  
 ZARUM, DERNALOWICCIORUM, aliâq; innumera non  
 minus generis claritate, quàm antiquitate absq; comen-  
 datitiis Oratorum formulis celeberrima.

Ab his Tu *ILLUSTRISIME DOMINE* Majori-  
 bus non in uno regno florentissimis descendit hos San-  
 gvinis ac virtutis habes Fratres, per omnia Tibi similli-  
 mōs: cum his Familiis affinitatis & gloriæ communionem  
 nactus. Quod quam in Te permagnum, & honorificum  
 est, quòd ab amplissimis, & antiquissimis in Litvania  
 Majoribus oriaris, tam in iis in quorum vta Prædecesso-  
 rum factis simile atq; præclarum relucet nihil; summè  
 dedecorum atq; inglorium est. Avitâ quippe gloriâ quod  
 juvat extolli, eamq; plus æquò suam appellare, si illa diffi-  
 cillimis & sudoriferis Aboriginum laboribus parata, socor-  
 di

( q ) *E Districtu Rzeczycensi Judex Deputatus ad  
 Tribunal M: D: L: electus est Anno 1758:*



di ædibus in privatis degenerum successorum otio incipi-  
at labefieri, atq; vilescere? quid confert alti sanguinis ma-  
gna ex parte fatum in se derivari, si ille rebus Patrum  
præclarè gestis, quæ præcipuum nobilitatis genus sunt,  
non modò non respondet, verùm etiam exosus posteri-  
tatis moribùs dehonestetur? imò præstat, quantum mea  
fert opinio clarissimum sanguine, & eximius in Patriam me-  
ritis à Majoribus comparatum suppressi nomen: neq;  
eo Herodè, aut illò satum Principe gloriari, quàm eidem  
longè diversa vitæ ratione infamiam aspergere. Hæc  
quàm longissimè à Te *ILLUSTRISIME DOMINE* ab-  
sunt, cum primis in Patriam amor, non absimiles post-  
modum aliæ Majoribus virtutes nemini non planum fa-  
ciunt. Si etenim illos quiescentes sub marmore cineres;  
illa immortalum Herodum sciscitaremur simulacra, quid  
olim piissimi eorum manes de Patria sentirent? quid e-  
gerint? quosq; labores illi contulerint? nonne id ipsum  
in Te, ad quem omnis Majorum & dignitas, & splendor,  
& prædicatio absq; diminutione laudis confluit, reperi-  
ri deprehensum est? Illorum, inter innumeras virtutes  
principem esse benevolentiam hac eadem Orationis par-  
te exploratum est, quâ adeò erga Patriam propensi ex-  
stiterint, ut quod ei titulò beneficentiæ in quodam pon-  
dere & mensura aut saltem mediocri intensione labora-  
tum esset, pietatis ostensione, laboratum est in gradu  
summo: ita, ut modum discretionis supergressi finem ex-  
tortis à se operibus haud faciebant, nisi simul cum termi-  
no vitæ. Et benè est, *cùm enim omnia* ( verbis utor  
Tullii ) *ratione animoq; lustraveris, omnium societatum*  
*nulla est gratior, nulla charior, quàm ea, quæ cum Re-*  
*publica est unicuiq; nostrum.* *Chari sunt parentes, cha-*  
*ri liberi, propinqui, familiares, sed omnes omnium cha-*  
*ritates Patria una complexa est; pro qua quis bonus du-*  
*bitet mortem oppetere, si ei sit profuturus?* ( \* ) & vel  
maximè simul atq; in mentem sibi venerit hac eadem  
Patrum, Avorum domicilia vetustissima, Præceptores mo-  
rum addictissimos, Magistros eruditionis piissimos, ipsosq;  
parentes contineri. Hoc porro *ILLUSTRISIME DO-*

G

MINE

( \* ) lib: 1: Officiorum



*MINE* in Patriam officium quàm ardentè exequutus! es, tō-  
tius vitæ Tuæ ratio omne dubium sustulit. Et cū imprimis ad  
teneram ætatem Tuam animum advertimus; vos Illu-  
strissimorum Progenitorum palatia, atq; conclavia, in  
quibus ingenuus, lectissimus adolescens primæ educationis,  
disciplinæq; domesticæ sumpsit exordia, Te numerosissi-  
ma familiæ corona, vosq; aulæ totius ministri in testes  
voco! nam ut nemo est nobilium virorum, qui Fundato-  
ris nostri amplissimi eximia in Patriam merita non co-  
gnoscat, ita fieri non potest, ut qui alius de iis, quàm  
præclara sunt, melius atq; vos ipsi, quibus cum præsen-  
tissimè versatus fuerit iudicium ferre possit. Agite itaq;  
dicite! ex quo primū tempore in oculis vestris Illustrissi-  
mus Castellanus incunabula egressus, atq; rationem in-  
genii experiri cæpit, quanta jam tum futuri in Patriam  
initia dederit obsequi! quā ingenua teneræ ætatis com-  
mendatione extiterit! ut omnium ora atq; oculos in se  
converti videret, adolescentium omnis perfectionis idæa  
atq; exemplar prædicatus. En quàm diligenter ille aman-  
tissimi sui Genitoris gesta observet! quam continuò con-  
jectu oculorum mores Paternos perspectos atq; admira-  
tos in se transferre studeat! res summas cū Reipub-  
licæ, tum domesticæ Æconomiae pertractatas atq; ex-  
peditas, sedulo animadvertat! quem nobilitati amorem,  
hospitibus affectum, subditis benevolentiam ostensum est,  
considerat, ac ad suum referens animum altè menti suæ  
imprimat. At si in aliquem è nobilitate virum offende-  
rit tum vehementer ab eo sciscitatur! quid in Comitibus!  
quid in consiliis! quid in iudiciis! quid in Magistratibus!  
quid in militari arte negotii esse, ut sibi adaperiat!  
Hanc in ipso juventutis aditu, quando cæteri vulgò a-  
dolescentes ambitione, gloriâ, aut certè deguttandis sva-  
viter inexpertæ dignitatis illecebris unice occupantur!  
viam ingressus Illustrissimus Castellanus! difficilè dictum est,  
quàm longè à frivolis atq; profanis rebus mentem abdu-  
xerit! quàm optimis disciplinæ moribus sese armaverit!  
oculos quàm pulchrâ faciei modestiâ composuerit! nemo  
est, qui eum garrulum, aut alterius negotio sese immis-  
centem, nemo turbatum, nemo irâ commotum viderit  
unquàm



unquàm, ut in tenera ætate maturitas ingenii, operum gravitas, animi modestia ad summos honorum apices prælusisse viderentur. Hæc domi: at ubi altiori imbueret animum cultura ac literarum addiscendi provinciam in se suscepit, quàm sedulò libros omnis generis revolverit? quàm acutè de rebus difficilimis differuerit? mira rerum perceptarum varietate reliquís quàm præcelleret? ut hac in arte studiorum non solùm coætaneos nobilitate ingenii anteiret, verùm etiam tum, quantus Patriæ esset Civis futurus, qualisq; defensor, ac æquitatis amator suis in scriptis, compositionibus, orationibus, publicis ac privatis disceptationibus, plenis rerum Patriarum mementis ostenderet. In humanioribus verò scholis dum alii otio torpentes nomen doctrinæ venari solent non rem? Ille mentem suam altissimis semper cogitationibus intentam, illamq; sciendi de rebus gravissimis aviditatem, profundam de maximorum Virorum difficillimis muniis indagationem? quod armorum robar, quæ fortitudo in bellis Duces, quæ in Senatu gravitas Statores, quæ in Areopago justitia Judices, quæ Majestas Reges & Imperatores, quæ benevolentia in Cives singulos Moderatores concernat? adèò exercuit, ut ad singula vastissimam animi sui reperiret capacitatem? in singulis legeret illam altissimis dignitatibus consentaneam regendi normam, quæ indubia expectatione inclytam animi sui indolem præstolarentur. O Juvenem lectissimum, adeone tantus Tuo pectori insedit amor Patriæ, ut teneræ ætatis vincula rumpere videaris, dummodò quantocyùs in obsequium ejus provoles? Videte laxioris disciplinæ adolescentes, quibus aucupium gloriæ, spes inter homines, eminendi aut certè vana rerum abditarum curiositas finem studiorum proponit? videte inquam, atq; animum admove, quomodò Illustrissimi Castellani & cura, & omnis conatus, & studiorum labor, Patriæ cedunt in emolumentum? quomodò ei, à qua vitam honorum, ac dignitatum sortitus est, cuncta sua conferat, pietatemq; quam jure gratitudinis à quovis Cive sibi debitam, à multis tamen neglectam, Respublica prærequirat, ex integro restituat? Videte ac discite tantò Vos obsequiosiores erga Patriam debere, quan-



tò nobilitatis ingenitæ prærogativâ cæteros inter emineat.  
tis. Verùm quamvis hæc tam magna eximii in Rem-  
publicam officii in tenera ætate indicia sunt, nisi tamen  
in virili magnus quidam hujus virtutis splendor, qui  
omnium oculos præstringat, oportet, aut omnes, aut cer-  
tè non paucos homines sui testes nanciscatur, parva for-  
tassè cuiquam videbuntur. Transactò itaq; studiorum  
tyrociniò, ubi Te ad altiora paraveris, dignitateq; Vexil-  
liferi Rzeczycensis, deinde Notarii M: D: L: condecorare-  
ris, quantum ingenii, viriumq; operis illuc conferre vi-  
debaris, ut communi Civium utilitati de tuo prodesse  
honore, dictis assequi difficile est. Et cum primis quòd in-  
tricatissimæ nobilium contentiones, quæ ad Te undiq; seu  
Delphicum tripodem pro resolutione persæpe delatæ,  
incredibili prudentiâ cum partium comodo pertractatæ,  
atq; enodatæ amicabiliter compositæ absolvebantur, non-  
ne peramplus Tuæ laudis cæmpus est? gravissima mo-  
menta, atq; placita, quæ pro Reipublicæ salutē, pro re-  
tinenda in flore libertate, legum indemnitate, Civium se-  
curitate, in Comitiiis particularibus in medium evocari fe-  
cisti, nonne tam rarum, atq; præclarum Tuæ dexterita-  
tis opus est, quàm rari sunt hodie pro integritate Pa-  
triæ Flaminii, Observatores legum Lycurgi? occultæ per-  
ditissimorum Reipublicæ proditorum technæ, doli, societa-  
tates cum hostibus initæ, amicitia celebratæ in publicis  
consultationibus detectæ, tum quod sequitur? cautelæ in  
futurum præscriptæ, nobiliumq; oraculis firmatæ, nonne  
Tuæ industriæ, atq; pietatis eximius labor est? Legati ad  
Comitia generalia negotiis suorum Districtuum à Te in-  
structi? jura Territoriorum, terrarum, villarumq; nobili-  
um justis defensionibus propugnata, atq; roborata, con-  
sultationes publicæ mira ingenii eruditione intra termi-  
nos æquitatis retentæ, atq; directæ, nonne Tuæ sapien-  
tiæ effectus est? atq; adeò in omni negotiorum genere  
activitatis Tuæ *ILLUSTRISSE DOMINE* collata sub-  
sidia haberi nemini non planum est? nisi fortè aliquem  
ita umbraticum in utramvis aurem stertere contigerat,  
ut de ea nihil inaudiērit, viderit nihil, is tamen si est,  
nunc animum advertat, atq; videat, quanta est reve-  
rentia



rentia in Ordine Senatorio cū Illustrissimū Castellā-  
num mira eloquentiā verba facientem audierit; quæ con-  
cordia animorum in Ordine Equestri, quoties ejusdem  
mentem perceperit; quanta alacritas parendi in nobili-  
bus; quantus ardor audiendi in plebe, quoties ipsis rem  
aperiret; incredibiles hæ omnium Ordinum propensio-  
nes, atq; voluntates, quid aliud sunt, nisi verissima sum-  
mi in Rempublicam meriti indicia; Nec id mirum cui-  
piam videatur *ILLUSURISSE DOMINE* Te omni-  
um amorem, admirationem, & obedientiam traxisse, recen-  
tem quippe præterquā quod veritatem in ore consedis-  
se tuo facta probant, hujus rei memoriam habere nobis vi-  
dentur universi; nihil neq; in Codice Legum civilium tam  
reconditum, atq; ad tuenda nobilium jura, dirimendasq; lites  
tam firmum, neq; in diplomatibus Regum tam grave, præcel-  
lensq;, neq; in pactis conventis Regnorum tam cautum, firma-  
tumq;, neq; in bellorum, ac pæcis Tractatibus tam abditum  
secretumq; demū in teste temporum historia tam illustre  
atq; rarum fuisse nihil; quō Tu non instructissimum pectus,  
non divitem memoriam retuleras. Ad hæc, ubi Te pulcherri-  
ma vultus modestiā, majestate corporis admirabili; in omnium  
demittis reverentiam, non animō similitæ sinceritatis,  
quod plerumq; malorum habitus est, verū pietatis sti-  
mulō erga nobiles Reipublicæ partes, animos venaris, &  
corda rapis singulorum; Svavitate quoq; oris dum spi-  
ras gratias, & aures omnium blandō imple alloquiō, ve-  
luti quibusdam catenis constringis mentes tuis nutibus  
obsequentes. His svavissimis oris Tui gemmis Regum  
attonas Majestates, Senatūs curiam imple, Cives Patriæ  
in admirationem rapis, & distractas in diversa mentes  
ad tuum nutum componis. Accedit, quod illa Tua *IL-  
LUSTRISSIME DOMINE* nemini magis quā Viris  
præstantissimis ex toto Patriæ deditis, atq; fidelibus propria  
virtus, eorumq; singulare ornamentum; quod scilicet ne-  
minem aditu prohibeas, omnibus Te facilem, urbanum,  
comem præstes, singulis exhibeas officiosum. Te no-  
bilitas oppressa in suis causis Patronum, Te contribules  
difficillimarum rerum Consultorem, Te quoq; Religiosi  
Dominum ac Benefactorem experiuntur; verbo: habet



in Te quod amet Patria, suspiciant Reges, collaudet Senatus, venerentur Cives, mirentur universi. Omnes deniq; quotquot animum ad Tua in Patriam merita advertunt, in ea esse sententia: ut hac Tibi in Rempublicam suffragante virtute, non quasitum, non postulatum, sed ad omnes honores natum, educatumq; fore fateantur.

At quoniam bene mereri de Patria suis obsequiis haud potest quisquam, nisi recte de eadem sentiat, quod boni Civis officium est, prater eaq; genuinum clarissimorum Virorum opus, de eo itaq; in praesentiarum nobis sermo est. Sunt profecto, qui magnam vitae suae partem, aut coacti ministerio Reipublicae impendunt, aut si benevole eos tam operosam obire provinciam contingat, ad speciem duntaxat, & usurpationem virtutis fictos esse oporteat, ut sic Majestatibus regum longe a justitia abductis, Civibus errore circumventis, honores, & Magistratuum subsellia aucupentur, atq; in iis indigne positi facilius desideratam sibi diu artem fallendi exerceant: Patriam, in qua delenda occupati fuerunt, enormi flagitio, crudelitate, perfidia, commaculent, lacerent, prodant: quod fit, ut eorum ratio agendi fiat detestabilior, consilii sententia perfidior, sinceritas suspiciosior, amicitia periculosior. Appellabis tales hostes Patriae: pejores sunt, quorum arma tanto damnosiora sunt, quanto domestica, cum bellum cient, latrones dices: horribiores sunt, quorum praeda tanto perniciosior, quanto minus praevideatur, fures vocabis: sceleratiores sunt, quorum rapina tanto crudelior, quanto in damnum vergit boni publici. Illud porro exitiale malum quamvis per omnes Reipublicae status ingenti Civium serpit clade, specialem tamen in iis locum tenet, quibus summa imperii in Republica delata est, qui, ut, communi suorum saluti, rebus bene gestis provideant, ita, vafre pertractatis eidem noceant necesse est. At Tuorum *ILLUSTRISSIME DOMINE* honorum Vexilliferi Rzeczycensis, postea Notarii M: D: L: ad extremum Castellani Minscensis dignitas, ut pro praemio virtutum, quas satis jam spectavimus, collata est, ita fieri non potest, ut in eadem constitutus, aliquid contra Rempublicam moliri auderes: a teneris quippe



pē annis ea menti Tuæ insedit sollicitudo, ut Patriam, à qua lactatus, ac honoribus usq; huc enutritus es, in flore videas, eamq; quantum Tibi per omnes modos liceat, iuvares. Atq; ideò, etsi totius vitæ Tuæ ratio rectus de Patria sensus dici potest, officia tua nemini non planum faciunt, præcipuè tamen Senatoria dignitas, ad quam conferendam non cæca assentatio, aut non satis perpensa meritorum præstantia, verum iustitia ipsa, perquamq; idonea huic tam alto muneri capacitas Serenissimum AUGUSTUM III. induxit Regem, id virtutis sibi vindicat nomen; Senatoriam enim conscendendo Curulem vel maximè nosceris quomodo rebus Patriæ prosperis prospicis, adversis consulis, Senator regni fidelissimus. Audire itaq; Illustrissimi Domini Castellani de Republica sensum boni Cives cupitis? is est, qui nec blandis munerum donis debilitari, nec atrocibus minis regum cedi, nec periculis affinium suorum frangi, nec obvolutis veritatis specie fallaciis irretiri, quin sese pro Reipublicæ integritate, pro libertatis tutela, pro salute contribulium, pro indemnitate legum, ea prudentiâ, quæ unum è JUDYCCIIS decet Senatorem, illo candore pectoris, quò fidelissimi pollent Cives, illo acumine ingenii, ac rationum subtilitate, quæ superari a nemine valent, obsistat, ita, ut ubi alios metus bellorum percellat, amorq; privatus suorum à proposito defendendi Patriam deterreat, Illustrissimus Castellanus solus paratus prælia agere, vitamq; manifestis armorum periculis prodere, quàm à recto in Rempublicam sensu vel l. tum unguem recedere. O conservent Te *ILLUSTRISSIME DOMINE* toti regno boni Superi quàm diutissime! Sed quid ego de perspicuis, & per omnium ora pervagatissimis rebus impensius incumbo, vereor Senatorum beneficentissime, ne fastidiò sit oratio, si de ea Tua beneficentia, vi cuius meritis Patriam cumulâsti, diutius peroratum foret. Venio nunc eò, quò me non assentatio ducit, sed fidelitas: quantum nempe nobis beneficus existas. Quod altera Orationis parte tantò brevius demonstrandum erit, quantò formidamus magis, ne tuâ patientiâ abutamur.

Inter omnia vitæ nostræ mortalis officia, si est ali-

Gr

quod



quod, quod præcipue rationale, atq; cæteris præstantius humanum genus cohonestare possit, tum profecto illud, cum supremo naturarum Auctori rebus in agendis continuo conformamur, altissimæq; bonitatis ejus speciem quamdam ac imaginem recta vivendi ratione, ac moribus vitæ teneamus. Hoc unicum quantum nobis opinari liceat reliquis omnibus adeo supergreditur, ut si quem illò ornari non conspicimus, quibuscunq; aliis animum prædivitem gerat, non tantum à perfectionis idea alienum esse, verum etiam inter homines, quorum primum ac ultimum agendi exemplar est mens aterna, næ numerari non posse quasi exploratum habemus. Cum etenim universi Opifex cuncta aspectabilia propter hominem atq; adeo præ exiguo temporis spatio finita; hominem verò perquam mirabile sui simulacrum propter se, atq; adeo aternitate donatum elaboraverit, quid aliud voluisse evincitur, quam quòd omnia & singula ejusdem opera sibi tanquam primæ directrici conformentur regulæ. At quæ tandem præcipue DEI T. O. M. in hoc rerum sensibus perviarum theatro spectabilior est virtus, cui nos studiosius incumbamus? quanquam mirabilis mundi structura sapientiam, quâ nihil profundius, pulchritudinem, quâ nihil superius, providentiam, quâ nihil rectius, aliasq; ineffabiles commendant prædicationes, principem tamen inter ea locum vindicare videtur bonitas, quâ adeo erga miserum, atq; despectum genus humanum propensus sit, ut omnia ea, quæ oculus noster perlustrare queat, gratis elargiri de thesauris sapientiæ suæ patiatur? ejus ferme solius imitatione quid beatius ad mortalitatis nostræ statum afferri, aut quid ultrâ ad naturæ intellectualis complementum desiderari possit? quam quòd naturam quodammodo superum à mortalibus participari, rebusq; Divinis quantum possibile est, longè distitum genus conformari. Conjectas hinc jam opinor *ILLUSTRISIME DOMINE* Fundator Gratosissimè, quid de Te nostra enuntiatura sit oratio? Te videlicet ex præscripto bonitatis supernæ præterquam quòd omnibus affabilis, omnibus comis, omnibus utilis exstiteris, Religiosas Familias, nostrumq; cum primis Ordinem tantâ complecti benevolentia,



tius  
cum  
nuò  
am-  
vi-  
li-  
illò  
præ-  
um  
ac  
era-  
nim  
atq;  
erò  
deò  
in-  
sibi  
At  
en-  
nos  
ru-  
em,  
sq;  
en  
rga  
sit,  
atis  
me  
ta-  
m-  
uo-  
Di-  
on-  
ME  
e-  
ta-  
us  
o-  
n-  
tia, ut ejus Parens amantissimus, & protector apud Migna-  
tes experiaris passim. Hoc quidem verum est: at non  
tam rarum atq; insolens, ut illud quoq; sibi Principes ven-  
dicare non videantur, quorum amplissimæ ditiones tantò  
plus arrogantia extolluntur, quantò Religiosorum Pro-  
vinciis imperitare contigerit. Munificentia pariter in e-  
genos Te cæteris supereminere, si cui eorum, tum certè  
nobis Tuæ liberalitatis consciis satis perspectum est: at  
hæc similiter virtus non tam infrequens est, ut uni ei-  
demq; nomen dederit, quin multorum infedit animos,  
ut subsidium indigentibus rebus laudabile atq; perhono-  
rificum esse ducunt. Quod tamen utrumq; maximum  
Senatoriæ ac Christianæ dignitatis Tuæ ornamentum, ne  
veluti rem, quæ omnium oculis, animisq; obversatur,  
auribus dare videamur: missos hic facimus crebros de Te  
sermones, quàm liberalis sis in benefaciendo, quàm facilis  
ad preces, & communes omnium necessitates, quàm adi-  
tu comis, quàm nullos quantumvis abjectissimos limine  
proprio arceri permittis, certatim pauperum legiones, ad  
ædes Tuas confluentes cum larga stipe quàm latas o-  
vantesq; dimittis, relictorum ac miserorum præsentem e-  
amq; ab oculis hominum semotam, ne cui eximius reli-  
gionis cultor videaris, quàm sedulo<sup>gram</sup> geris, ita, ut Senato-  
ria dignitate, an religione in DEUM major sis, in dubio  
relinquatur: illud duntaxat in medium evocamus: quòd &  
Ordinem nostrum, & illos, qui cum maxima conflictan-  
tur inopia prolixa, juvandi voluntate, & liberali stipe in-  
tantum prosequeris, ut omnia ea, quæ iisdem erogari fa-  
cis, nihil inde laudis, nihil commodi, nihil quidpiam a-  
pud homines acceptationis refundi in Te judiciò rectissi-  
mò persvaderis: hoc demum paucis exceptis, tam magnum  
& insuetum est, quàm rarum est hodie beneficium vera  
in Superos religione exhibitum. At nobis tantò facilius  
ad demonstrandum est, quantò hæc Tua virtus nemi-  
nem lateat. Si enim à viro quopiam dignitatibus, in-  
geniò, ac opibus conspicuo aliquod beneficii genus ho-  
minibus in mundo abjectissimis relictis, atq; à multis de-  
spectis, veste demissa, aspera, vili, contextis, ostiatim e-  
mendicato, pane vitam agentibus, quibus nullæ sint posses-  
siones



siones, nullæ divitiæ, nullæ res, nullus respectus humanus, præstitum esse ad nos deferretur, eum profectò, ab iis nihil desiderari posse non difficulter affirmaremus; cum omnia eorum si voluntatem compensandi excipias, faciunt nec teruncii. Quod si verò hoc nobis ita se habere permittitur, hic jam exultet necesse est Oratio nostra, qui non pauca, sed innumera beneficia tali modo ab ILLUSTRISSIMO FUNDATORE & præstita esse semper non ignoramus, & præstari. Ille enim verò nos, quos perpetua votorum sponsione mundanis renuntiatos esse rebus satis perspectum est, eâ complectitur benevolentia, quam mirentur omnes, invident non pauci. Ille nos ubiq; honestissimis nominibus extollit, atq; pro nobis apud summos in Republica viros patrocinator, ut non rarò nos tantæ honorificæ laudis suppudeat. Ille sapè nec cogitantibus nobis, suam clientelam, sua piissima impendia liberaliter confert, qui videlicet nostram Familiam novis Foundationibus diductam ubiq; locorum in subsidium Ecclesiæ diffundi nunquàm non ex animo precatur. In hujus rei veritatem vos Litvanæ Provinciæ religiosa domicilia, vos inquam imploro atq; obtestor! vosq; Trocenses aræ, erectiq; hisce oculis in nostris parietum muri, quos ille plenus pietate effusis largissimis muneribus, substructionum commodatissimis molibus e radice erexerat, in testes voco! vos beneficia *Fundatoris munificentissimi* ad oculum depromite, atq; dicite: nonne tantarum de suis facultatibus impensarum *Illustrissimi Fundatoris* unicum esse finem, nil à nobis nisi summam DEI T: O: M: laudem expectari? Pervenit enim ad aures gratiosissimi Fundatoris Trocense Cænobium caelestibus exercitiis, esse commodatissimum, ab oculis hominum semotum, stagnantis aquæ vastitate perquam amanum, montis quoq; accessu habitabile, àëris benignitate salubre, omni demùm contemplanti vitæ situ debito comptissimum; at parco foundationis censu adeò perexiguum, ut tam idoneus Religiosæ exercitationi locus paucis nonnisi inhabitetur Fratribus. Videre fuit quanto ardore protinus manum munificam admovit, domum tenellæ Franciscanæ iuventuti, obsequiisq; Divini tyronibus diu expectatissi



expectatissimam condidit, stipendiis auxit, censu ditavit; tum vehementer lætari visus est, si sanctissimum ibidem delubrum laudibus Divinis repleti, Familiam Religiosorum augeri, ac in dies nova pietatis studia excitari inaudiêrit. O beneficia non uni Conventui, sed toti Provinciæ utilissima! beneficia non hominis, sed virtutis! Discite tenacis dexteræ populares, si quos maximum vectigal in parsimonia reponit, aut si quorum liberalitatis fructus ad paucos pervenerit, inani tamen subactus glòria vim probitatis amittere cogitur. Discite quomodo Illustrissimus noster Fundator præstitis muneribus, prostratus ante aras ad humilitatem sese recipiat, demissis modestè, ac collachrymantibus oculis, supinis manibus vultu ad pietatem composito, genibus ad terram provolutis, opus suum supremo Numini commendet, omnia eidem debita, omnia eidem tanquàm Auctori præstanda ex animo profiteatur, se verò dispensatorem, ac creditorem temporaneum, unum verò & solum Altissimum, Dominum suarum facultatum agnoscat, non gloriam, non laudem, non honorem inde quærat; omnibus deniq; religionis officiis beneficium cumulatam reddat. Atq; hinc est *ILLUSTRIS-SIME DOMINE* quòd cum in multis gratia propriò animi vitiò corrumpatur, vel quia beneficiorum graves sint exprobratores, nimiiq; vicissitudinis exactores, aut leves omnino, quos paulò post muneris sui pæniteat; aliàs queruli, & minima momenta calumniantes; in Te omnibus numeris absoluta, primaq; directrici magis ac magis conformatur regulæ, qui ut in tuis liberalitatis, atq; clementiæ operibus bonitati supernæ quantum hominiliceat, animum semper admove, atq; conformare assvesceres, gratis omnia elargiri facis, nil inde præter placata reportando Numina. Enim verò est ne quis nostrum, a quo vel saltem leviter rogari patereris, quin suspicatus aliquid à Te peti, indigentius succurreres; est ne quis, à quo exoratus, frontem adduxisses, vultum avertisses, occupationes simulasses, longis sermonibus, & de industria non invenientibus exitum, occasionem petendi abstulisses; est ne quis, cui subsidium postulanti negasses, aut promisisses sed difficulter, sed subductis superciliis, sed



improbis, & vix exeuntibus verbis? Agite Religiosi Fratres, qui limine Fundatoris portum suae egestatis invenisse arbitramini, an deerat aliquid vobis ad honestè traducendam vitam, quod vel è facultatibus Illustrissimi Fundatoris indigentiae vestrae non subveniret, vel tempestivè non provideretur? quid illò liberalius? quid vestrae mendicitati accessibilius? quid paupertati munificentius? o quam hic vastus laudationis Tuæ *ILLUSTRISSE DOMINE* campus est! quòd dum alii solis in Patriam meritis ad posterorum memoriam perventuros se sperant, Tu insuper meritis in Patriam, liberalitatem in Religiosos Ordines addidisti; ut sic Republicae Senator augustinus, & Christianae religionis cultor eximius ab omnibus aetatibus praediceris, atq; collauderis. Sed cum testata in aliquem officia quamvis de se magna sint, nisi tamen in extrema rerum vicissitudine experiantur, parva fortassis cupiam videantur: erat aliquid ultra, quod effusa erga nos beneficentia munificentissimi Fundatoris ex peteret: erat quò ad summum apicem perduceretur: Caenobium Trocense erexit, Ecclesiam magna ex parte ditavit; hoc in Domo JUDYCCIORUM neq; est novum, neq; inusitatum: JOANNES JUDYCKI Notarius terrestris Rzeszyensis, & NICOLAUS Eques Melitensis, Comes in *Myszy* idem fecisse legantur: alter eorum bona sua Ecclesiae *Strzeżynensi* perpetuò oppignoravit, postremus Ecclesiam & Collegium PP: S: I: in suo Comitatu Myszensi extraxit: erat igitur quò ultra pergeret, atq; compleretur: defuit munificentissimo Fundatori tempus, quò Frater totius Provinciae de suis facultatibus aleret, quantaq; in Ordinem nostrum posset benevolentiam cunctis ad oculum ostenderet. Illud porro summae religionis officium quam comiter, quam piè, quam ardentè in presenti Capitulo quando ob bellorum tempestates in maxima rerum inopia Urbes & oppida versantur, exequutus est, taceri impossibile, eloqui difficile, DEO autem ad retribuendum commendare justissimum est. Accedit, quòd sicut in toto universo nihil est praestabilius, aut calamò dignius, quam beneficiorum, gratiarumq; uberimos in aliis effluere fontes, ita è contrario nihil vituperabilius, &  
homini




homini inconvenientius, quàm eorum nullam apud animos recordationem retinere, cum nusquam justis hominum obsequia in dominium pertrahuntur aliorum, quàm ubi animorum magnes intercedit beneficium. Sic ipse Servator mundi ab iis, quos virtute Divina curari à lepra fecit, requisivit gratias, sic natura beneficii, sic ratio sanior, sic consilium dictitare videntur. Et si id verum est, quanta officia nos manent, quantæ gratiarum actiones cervicem nostram prætolantur, ex ipsa beneficiorum licebit conjicere magnitudine. At quæ potest existere tanta ubertas ingenii, quæ tanta dicendi copia, quod tam Divinum atq; incredibile Orationis genus, quò quisquam possit Tua in nos universa promerita, non dicam complecti gratias pro singulis referendo, sed percensere numerando, qui nostrum Capitulum integerriumum, qui Fratres, qui domesticos satis abundè propriis impensis suscepisti alendum. Nam si multum Tibi debeamus, quòd Provinciam nostram opum Tuarum munificentia cumula-veris, si multò plura, quòd eandem ex animo apud alios Dominos protexeris, si plurimum, quòd eidem in tertia Regula S: FRANCISCI nomen dederis, quantum debere Tibi dicendi sumus, quòd ejusdem Filius simul & Pater possimus, cliens & Benefactor amplissimus nuncuperis. Non inficiamur proinde hocce eodem dicendi genere plurima laudis Tuæ esse intermissa, aut non ex æquo celebrata, multa inculta ac impolita, utpote brevitate temporis, ingeniiq; elaborata, multa deniq; non digesto ordine pertractata, ita, ut hoc rude opus absq; novo in manus Tuas beneficio devolvi ipsò factò non præsumitur. Cum tamen internæ propensionis erga Te nostræ documenta aliter quàm scriptis testari haud possent, hoc, quod oratione ista nostra publici juris fecimus, illius, quam in corde gerimus devotionis, ac quantam exposcit à nobis Tua illa in nos effusa benevolentia, gratitudinis, vivos ac expressos intelligas necesse est characteres. Si tamen characteres dici possint, quæ modicam quamdam nostræ voluntatis præseferunt similitudinem, minùs quippe testata in DEUM pietas verbis, quæ aliquando colorata inspirat assentatio, quàm



alacri compensandi voluntate ponderari valet. Non opus istud igitur *ILLUSTRISIME DOMINE*, sed animum pensandum esse volumus, quò, ut Tibi centuplum boni superi retribuunt, interdum noctuq; laborare non desinemus. Et cum Te immortalem per humanæ conditionis leges esse non liceat, nullo nos non tempore sollicitos experiere: ut Te Numen clementissimum, cui summum rerum omnium est imperium, conservet quàm diutissimè: totq; ut vivas annos, quot hujus nostræ Orationis conspicias literas, quotq; nostra desideria Tibi adprecantur. Ut vivas salvus & incolumis, ad altiores, altioresq; in Republica dignitates, Patriæ charus, quam Tuis cumulasti meritis, Civibus amabilis, quibus protuisti obsequiis, nostræ demùm Religionis saluber, quam innumeris dotasti muneribus.

Hæc sunt Tuorum studia: hæc totius Capituli acclamationes. Excipe igitur *ILLUSTRISIME DOMINE* Fundator gratiosissime, excipe debita dignitati, debita pietati, debita constanti in nos benevolentiae totius Provinciae obsequia. Augeat Tibi cælum honores, honoribusq; addat ætatem, ut quantum rerum secundarum desideras, ad mentem fiat, hocq; pactò nostra augeantur gaudia. Sic Tua nobis notissima spondet probitas. Sic nostrum Capitulum. Sic tota Litvana ex animo adprecatur Provincia.





PROPOSITIONES  
THEOLOGICÆ

*Ex Tractatu*

De DEO Incarnato

*Menti Doctoris Subtilis & MARIANI*

CONFORMES

I:

UT à genere Incarnationis Myſterium incipiamus; dicimus illud contra Gentiles ( ſi qui ſunt ) eſſe poſſibile; quamvis eandem poſſibilitatem non inficiamur demonſtrari non poſſe poſitive, bene tamen negative,

II:

DEOq; Summo Bono Incarnationem exactiſſimè convenire.

III:

AD quam tamen exequendam ( ut alios fines omittamus ) etiam ex ſuppoſitione ſatisfactionis condignæ pro peccatis generis humani, non neceſſitabatur DEUS, cum de potentia ejus abſoluta id præſtare potuit pura creatura donis ſupernaturalibus ornata.

IV:

QUòd Chriſtianis primum & præcipuum fidei dõgma eſt ( loquimur de Incarnatione ) hoc Judæis juxta Apoſtolum 1<sup>o</sup> Cor. 1<sup>o</sup> ſcandalum, quorum perfidiâ quam-

Kz

vis



vis multis Prophetarum premitur oraculis, nos tamen missis cæteris, duo, quibus abundè demonstratur Messiam in lege promissum jam dudum advenisse, in medium proferimus: alterum Jacobi Gen. 49: v: : & 10 *Juda, te laudabunt Fratres Tui, adorabunt Te Filii Patris Tui, non auferetur sceptrum de Juda, & Dux de femore ejus, donec veniat, qui mittendus est, & ipse erit expectatio gentium.* Alterum Danielis c: 9: v 24: *Septuaginta hebdomades abbreviate sunt super pòpulum tuum, & super Urbem Sanctam tuam, ut consummetur pravaricatio, & finem accipiat peccatum, & deleatur iniquitas, & adducatur justitia sempiterna, & impleatur visio, & Prophetia, & ungatur Sanctus Sanctorum &c.* Sed quoniam non desunt plerique perditissimi Rabbini, qui victi testimoniis Prophetarum maluerunt intrudere alios Messias, quàm JESUM Crucifixum, nempe Dositheim, Simonem Samaritanum, Barchochebam, Davidem Eldavidem, ac Vespasianum ipsum &c. proinde contra eos profite-mur:

V:

JESUM Nazarenam esse Messiam in lege promissum.  
Qui

VI:

QVamvis defactò venit in mundum ad liberandum hominem à peccato ( ut fides dogmatisat contra Pelagianos ) finis tamen adæquatus Incarnationis non est sola redemptio generis humani, sed principalius ipsa excellentia Christi, ac humanæ naturæ exaltatio, ita, ut Adamo non peccante, ex vi præsentis decreti Christus Dominus venisset.

VII:

CUM juxta Symbolum D: Athanasii Christus sit: *perfectus DEUS, perfectus homo ex anima rationali & humana carne subsistens*, necesse est, ut cum fide Catholica contra Arianos in illo admittamus veram animam humanam: mente quoque præditam, quam negabat crassus error Apollinaris: duas pariter voluntates Divinam & humanam; earumque duas operationes, quarum unam, nempe humanam perperam sustulerunt Monothelitæ.

VIII:



VIII:

**C**Orpus Christi apparens duntaxat, quod Phantasiaſtæ ſomniabant, directiſſimè fidei, & ſanæ menti adverſatur, cum illud Chriſtus non è cælo detulit ( ut erravit Valentinus aliq; ) ſed ſumpsit ex Virgine MARIA, proinde verum & reale habuit corpus: doloribus quoq; obnoxium.

IX:

**D**E fide agnoſcimus contra Neſtorium Unionem Verbi incarnati factam fuiſſe in unitate perſonæ. Quamobrem in Chriſto una eſt Perſona, non duæ, tum quod ſequitur: B: V: MARIA, verè & propriè eſt Mater DEI, Græcis Theotôcon, Latinis Deipara.

X:

**S**ententiam illam, quâ Eutyches inſanivit docendo commixtionem naturarum, Divinæ & humanæ in unam naturam, ut potè contrariam veritati Eccleſiæ Catholicæ reprobamus, aſſerentes etiam poſt unionem duas eſſe in Chriſto naturas diſtinctas, & impermixtas.

XI:

**E**X unione ſubſtantiali Verbi cum humanitate Chriſti ſequi communicationem idiomatum in concreto, Neſtorio non placuit; Catholicis verò viris placidiſſima veritas eſt: in abſtracto tamen dari communicationem idiomatum ( ut volunt Ubiquiſtæ ) inficiamur.

XII:

**C**hriſtum verè & propriè pro nobis ſatiſfeciffe, contra errorem Socinianorum, firmiſſimum omnium Catholicorum dogma eſt.

XIII

**C**hriſtus ut homo non eſt Filius DEI adoptivus, nec ſervus propriè, ſed eſt Filius DEI naturalis. Idemq;

XIV:

**V**T homo in primo inſtanti Conceptionis habuit ſcientiam beatificam perfectam, non tamen comprehenſivam.

XV:

**L**ibertas Chriſti cum impeccabilitate optimè conciliari poteſt dicendo eundem ideò mortuum eſſe liberè, quia liberè acceptavit præceptum moriendi, & liberè ſe determinavit ad mortem ſubeundam.

**L**

**XVI:**



XVI:

CUM detur in Christo verum ac proprium meritum, necessè est, ut admittamus eundem mereri à primo conceptionis instanti, usq; ad extremum vitæ suæ Spiritum, & non ultrà.

XVII:

CHRISTUM Dominum his titulis insigniri, nempe quòd sit; Caput Ecclesiæ, Rex, Judex vivorum & mortuorum, Sacerdos, Patronus noster, Mediator DEI & hominum. Cujusq;

XVIII:

HUMANITATEM, prout conjuncta est Verbo, adorari cultu patriæ absoluto.

XIX:

CUM Cerinthus & Ebion aliq; ejusdem fûrfuris perditissimi homines conati sunt suis aculeatis scriptis, adimere Virginitatem B: V: MARIÆ; contra eos igitur pio Catholico dogmate defendimus MARIAM Matrem Christi fuisse Virginem, ante partum, in partu, & post partum. Eamq;

XX:


FUISSÉ immunem ab omni actuali peccato.

Ad

M: D: G:

PROPugnabuntur publicè, sub tempus Capituli Grodnæ ad S: CRUCEM Inventam celebrandi, à P Fratre BERNARDINO HENRICH Theologo Studii Generalis Nesvisiensis consummato, sub Assistentia A: V: P: Fratris IUVENALIS CHARKIEW ICZ Sacra Theologiae Lectoris Generalis, ejusdemq; in Conventu Nesvisiensi Professoris Actualis.

Annò MDCCLX Dic Januárij.





e-  
n-  
n,

t;  
n,  
n.

tu

fi-  
e-  
io  
ri-  
r-


ca  
ae  
re  
is  
L-  
is  
is

lit
















Biblioteka Jagiellońska



stdr0026197



